


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-66	At-Tahrim	12	2	Madaniyyah	Ke-107	4



Zaman Diturunkan

Surah at-Tahrim diturunkan sekitar tahun ke-8 dan ke-9 Hijrah. Mariah al-Qibthiyyah r.a. telah menjadi isteri Rasulullah s.a.w. pada tahun ke-7 Hijrah. Shafiyyah juga telah menjadi isteri Baginda pada tahun ke-7 Hijrah selepas pena'lukan Khaibar. Di dalam ayat ke-9 terdapat perintah supaya memerangi orang-orang munafiq, ia juga diturunkan pada tahun ke-9, perintah yang sama terdapat dalam ayat ke-73 Surah at-Taubah.

Perkaitan Surah At-Tahrim Dengan Surah Sebelum Dan Selepasnya

Di dalam Surah at-Thalaq umat Islam diperintahkan supaya menjaga حدود الله (ketetapan dan ketentuan Allah) ketika berlaku pergeseran di antara suami isteri, di dalam Surah at-Tahrim terdapat perintah supaya menjaga حدود الله juga dalam keadaan suami isteri berkasih sayang. Isyarat kepadanya terdapat pada firman Allah تَبْتَغِي مَرْضَاتَ أَزْوَاجِكَ.

Beberapa Kata Kunci Dan Tema Utama Surah

1. Melalui firmanNya قُوا أَنْفُسَكُمْ وَأَهْلِيكُمْ نَارًا (Ayat: 6). Orang-orang Islam diarahkan supaya memikirkan tentang akhirat dan azab neraka sama ada yang berkaitan dengan diri sendiri atau ahli keluarga di bawah tanggungan mereka.
2. Apa yang dimaksudkan dengan تَوْبَةَ النَّصُوحِ ialah taubat yang bersih daripada menunjuk-nunjuk, selain kesal dengan dosa yang telah dilakukan, memohon keampunan kepada Allah dan berazam tidak akan melakukannya lagi. Dalam keadaan hak seseorang dirampas, perlulah haknya dikembalikan, itulah yang dikatakan تَوْبَةَ النَّصُوحِ.